

Supervizor za Brčko izdaje naloge koji imaju za cilj da dovrše provedbu arbitražnih odluka za Brčko



Supervizor za Brčko dr. Raffi Gregorian danas je izdao tri naloge supervizora kojima se usklađuju Statut i zakonodavstvo Distrikta sa Amandmanom I na Ustav Bosne i Hercegovine i sa odlukama visokog predstavnika od 18. septembra 2009. godine kojima se donose izmjene i dopune entitetskih i državnog zakona o državljanstvu.

Jednim od ovih naloge donose se izmjene i dopune Statuta Brčko Distrikta i Zakona o sudovima Brčko Distrikta tako da odražavaju sadržaj Amandmana I na Ustav Bosne i Hercegovine koji je u martu ove godine usvojila Parlamentarna skupština Bosne i Hercegovine.

Izmjenama i dopunama dodatno se unapređuju djelotvornost i funkcionalnost sudova Brčko Distrikta i osigurava zaštita interesa, statusa i ovlaštenja Brčko Distrikta putem efikasnih sudskih postupaka nakon okončanja režima supervizije.

Drugim dvama nalozima supervizora donose se izmjene Statuta i Naloga supervizora od 4. augusta 2006. godine kojim se proglašava prestanak pravnog značaja međuentitetske linije razgraničenja u Brčko Distriktu time što se omogućava primjena entitetskih zakona o državljanstvu u Brčko Distriktu u skladu sa odlukama koje je visoki predstavnik donio 18. septembra 2009. godine kojima se donose izmjene državnog i entitetskih zakona o državljanstvu. Tim odlukama uspostavlja se mehanizam koji stanovnicima Distrikta omogućava da promijene svoje entitetsko državljanstvo, kao što je to navedeno u stavu 1

Aneksa Konačne odluke od 18. augusta 1999. godine.

Supervizor smatra da je time uspostavljen potpun i savremen pravni okvir u vezi sa pitanjem državljanstva koji je u interesu svih stanovnika Distrikta. Podjednaka primjena, bez diskriminacije, ipak zavisi od usvajanja odluka visokog predstavnika od strane Republike Srpske.

«Tehnički amandmani koje sam danas donio putem svojih naloga potiču direktno iz Konačne arbitražne odluke i pomažu da se ispune uslovi koji su neophodni kako bih mogao da izvijestim Arbitražni tribunal da institucije Distrikta funkcionišu djelotvorno i po svemu sudeći trajno», rekao je supervizor.